

LATGALIŠU GAZETA

Pyrmāis latgališu veikals

Beidzūt oficiāli darbeibu ir suocs šķārsteikla veikals, kurymā varit isaguoduot jaunuokūs latgališu muzykys aļbumus, gruomotys nu Latgolys Kultury's centra izdevniceibys i Ontona Slišāna kruojumim. Latgališu veikals atrūn zam adresa MadelnLatgola.LV

Vystyvuokajā laikā pidoovuojuma daudzveideiba tiks paplašynuota, tak jau tagad Ma-

delnLatgola.LV pasūla grupys Borowa MC jaunuokū muzykys plati "Ui, lobs", grupys Dabasu

Durovys disku "Ļepetņiks", kai ari kruojumā ir "Latgolys Radejys dzišmu izlase Nr.1" i grupys Bez PVN aļbums "Pyrms Vuorda...".

Tyvuokajā laikā teik planavots pidoovuot itymā šķārsteikla veikalā ari Latgolys keramikys izstruoduojumus i cytus amatnī-

ku ražuojumus, kai ari muoksls dorbys. Interneta veikala veiduojuji – Arvis Soldāns i Juris Viļums – aicynoj iz sadarbeibu kotru, kam ir ispieja pidoovuot naz kū vierteigu citim latgališim isaguoduotis. Kontaktinformaceja: MadelnLatgola.LV

Kū vaira volūdu, tū lobuok! **LaKuGa.LV**

NŪTIKŠONU KALEŅDERS

● LATGALIŠU ROKSTU VOLŪDYS KURSI REIĢĀ

04.11.2008, suokums sešūs vokorā

Latvejis Nacionaluo biblioteka, Reiga, Krišjuoņa Barona īla 14
Bīdreiba "Latgolys Studentu centrs" sadarbībā ar Latvejis Nacionalū biblioteku reikoj latgališu rokstu volūdys kursus, kas nūtikys leidz 16. decembram.

Kursu laikā byus praktiskuos nūdarbeibys. Latgališu rokstu volūdys kursi ir par veļti.

Interesentus aicynoj nu suoku pīsasaceit iz e-postu lgsc@inbox.lv, pasokūt ari sovu latgališu rokstu volūdys prasmi.

Latgališu rokstu volūdys kursi plašuokai Reigys sabīdreibai, tī dzeivojūšim latgališim i studejūšim Latgolys jaunišim ļaus isapazeit ar latgališu rokstu volūdys ortografeju, isavuiceit skaiteit i raksteit latgaliski.

Paradzams, ka itaidi kursi veicynuos leluoku latgališu rokstu volūdys lītojuumu sabīdreībā i latgališu rokstu volūdys, literaturys i kultury's sasaglobuošonu i atteisteibu.

● SASATIKŠONA AR LĪPUOJIS I LATGOLYS AILINĪKIM I MUZYKANTIM

06.11.2008, suokums sešūs vokorā

Līpuojis puorstuovniceiba Reigā, Jā-kuba kazarmys, Tūrņa īla 4, 2A-201
Byus muzyka, čajs, ailis, filozofiskys sarunys par laiku, guojuputynim, ceļu, muokslu, muzyku i dvēselis bareibu...

Īsarassōna ar rudineigom zečem, leidza pajem koč kū garšeigu "ceļa maizei".

● ZYNUOTNISKUO KONFERENCE "LATGALES PAGĀTNE, TAGADNE, NĀKOTNE: NOVADA MANTOJUMS

MŪSDIENU EIROPAS VIRZĪBĀ"

07.11.2008, suokums vinpadsmytūs

Daugavpiļs rajona Višku pogosta Špogūs
XVI zynuotniskū konferenci reikoj Daugavpiļs Universitatis Latgolys Pietniceibys instituts i bīdreiba "Latgola".

Konference veļteita Latgolys kulturvīesturiskajam un saimnīciskajam montuojumam.
Konferencis nūslāgumā diskuseja "Latgaliskais. Nuokami symts godi." /vadeituojs Juris Viļums/

● LITERATURYS ALMANAHA

"OLŪTS" 13. LAIDĪŅĀ

ATVIERŠONYS SVĀTKI

07.11.2008, plkst. 14:00

Rēzeknis Centraluos bibliotekys la-seitovā
Pasuokumu reikoj Rēzeknis Centraluo biblioteka sadarbībā ar Latgolys Kultury's centra izdevniceibu.

"Latgališu Gazetu" atbolsta Latgolys regiona atteisteibys agentura i Kulturkapitala fonds.

VALSTS KULTURKAPITALA FONDS



Vacreigu okupej latgališi

26.oktobra vokorā (koč i svātdinis dinā) sazalaseja pulka latgališu iz kūpeigu pasiediešonu, parunuošonu, sadzīduošonu...

Sasatikšonys vīta koč ari piec nūsaukuma pavysam nalatgaliska beja kafeineica "Leningrad", kurys interjers styprai atguodyno padūmu laiku dzeivūki i drusku ari taidu lauku sātu, kur vēļ vacuokys sekcejis ar tūs laiku gruomotom, pi sinys vacais stundiniks, styri vacuo televizora kaste...

Pasuokumu ar sovu klutbyušonu pagūdynova daudzēji Latgolys Studentu centra bīdri, pīsavinova ari Ilona Salceviča, Juoņs Dimants, Aivars Mackevičs, Ivars Logins, Juoņs Strods... vysus i napuorskaiteit!

Muzicieja grupa "Restauratori", kurys vokalists ir Verners Martinovs; ailis skaiteja literats Raibais Suņs; klutyn ar garmāni beja ari Aņss Ataols Bierzeņš, kas daudzējim varātum byut lobuok zynoms, kai "Maskačkys spielmaņu" vadeituojs. Tai nu saguoja, ka leluokū vokora dali Aņss spēļova i skaneigai dzidova, a cikereji podtūrēja ar sovu bolsu cik varieja.

Iz vīty's beja vareiba nūpierkt



ari jaunuokūs latgališu muzykys aļbumus – kas tū vēļ nav papsiejs, var izmontuot latgališu interneta veikala MadelnLatgola.LV paleidzeibu. Nu ostonu stunžu vokorā da pusē diveju nakti latgališu muzyka i ļaužu

volūdys naapryma Vacreigys Kalieju īlys 45. kuormā.

Pasauociņa daliniki i organizatori aplīcynova vajadzēibu itaidys kūpeigys pasiediešonys, parunuošonys, sadzīduošonys reikuot ari iz prišku – dūmojams, ka

tuos varās nūtikyt vysmoz reizi mienesi pa caturtdiņom. Seikuoka informaceja tiks publicāta Latgališu Kultury's Gazetā (LaKuGa.LV), tī niu varit atrast i apsāvērt ari vairuokus fotoattālus nu pasuokuma.

Latgališu volūda školā

Jau paguojušuo goda laikā bīdreibai "Latgolys Studentu centrs" (LgSC) ar atbīldeigajom vaļsts amatpersonom izaveidova savdabeiga diskuseja, kurys rezultātā LgSC grībeja vinreiz par vysom reizem sajimt atbīlci iz vaicuojuumu voi Latvejis Republikā teik ivāruota Vaļsts volūdys lykuma 3.panta 4.daļa.

Tūreiz Ministru prezidents lyka izveiduoit dorba grupu. Tei eisai pyrma Zimysvātkim sagataveja atbīlci, kuramā atzyna, ka vaļsts pasuokumi latgališu rokstu volūdys kai viesturiska latvišu volūdys paveida saglobuošanai, aizsardzeibai i atteisteibai nav bejuši planveideigi. Tyka nūruodeits, ka atseviška programa itaidam mierkam nav vajadzēiga deļ tam, ka papyldynojuūt jau spēkā asūšūs dokumentus, ispiejams nūdrūšynuot finansiejuma pīsastiešonu augstuok mynātajam aizdavumam.

Ituo goda 17.oktobrī LgSC sagataveja i nūsyuteja nuokamū viestuli (Latvejis Republikys Ministru prezidentam, Izgleiteibys i zynuotnis ministrejai ar kopiju Kultury's ministrejai i Latgolys planuošonys regionam), kuramā

atzeimej, ka nu dorba grupys dokumenta sagatavešonys ir paguojs gondreiz gods, tak itymā laikā vaļsti nav izdareiti radzami uzlobuojumi, deļ tam sagataveiti vai ruoki prišklykumi, ar kurim aicynuoty's isapazeit vaļsts omotpersonys:

1. Ir juodūd vareiba apgiut latgališu rokstu volūdu dažaida vacuma sabīdreibys lūceklim: pyrmsškoly's izgleiteibys īstuošes, suokumškoly's, pamatizgleiteibys, videjuos i augstuokos izgleiteibys īstuošes, kai ari tuoluokizgleiteibys kursūs pedagogim i visim interesentim; vosory's kursūs latgališu volūdys padzilinuota i apgivei vysuos Latgolys planuošonys regiona školy's, tai eistynojuūt volūdys saglobuošonys pamatnūšcejuumu – vareiba apgiut ortografeju i isavuiceit laseit i raksteit;

2. Puorstruoduoit Vaļsts budžeta apakšprogramys "Latgolys izgleiteibys programa" nūlykumu, dūdūt ispieju jau 2009. godā plynvierteigai atbāļsteit pasuokumus atbāļstūši Vaļsts volūdys lykuma 3. panta 4. daļai;

3. Pastyprynuot sabīdriskūs raidorganizaceju lūmu nacionaluos kultury's identitatis styprynuošonai i latgališu rokstu volūdys izkūpšonā, snīdzūt planveideigu finansialu atbolstu televizejis i radio programmom, gruomotom i periodiskajim izdavumim latgališu volūdā;

4. Izstruoduoit konkretys reiceibys planu Vaļsts volūdys programmys ītvorā, veicynojūt latgališu rokstu volūdys sasaglobuošonu i atteisteibu, veidojuūt tū kai plynfiseigu sazinis leidzekli Latgolā;

5. Izstruoduoit konkretus kritērijus, lai kotru godu veiktu Vaļsts volūdys lykuma 3. panta 4. dalis īvisšonys procesa puorraudzeibu;

6. Turpynuot Vaļsts volūdys centra Latvišu volūdys ekspertu komisejis Latgališu ortografejis apakškomisejis dorbu aktualu latgališu pareizraksteibys vaicuoju-

mu sistematiskai rysynuošonai;

7. Izveiduoit vysmoz vīnu vaļsts apmokuotu štata vineibu, kas koordinātu latgališu rokstu volūdys aizsorguošonys, saglobuošonys i atteisteibys pasuokumus.

Latgališu rokstu volūda ir nacionala i Eiropys leimiņa vierteiba, deļ tam atbīldeibu par volūdys atteisteibu nadreikst atstuoit tikai sabīdriskuo i privatuo sektora ziņā, bet vaļstej i rjuoisasaista itymā procesā i juouzajem atbīldeiba par itūs vierteibu saglobuošonu i nūdūšonu cytom paudzem.

Izviertejuūt starptautiskūs normativūs aktus, juosecynoj, ka latgališu rokstu volūda pilneībā atbāļst regionaluos volūdys statusam, tak piec pašreizejuos Latvejis lykumdūšonys tai ir dūts vēļ nūzeimeiguoks – vaļsts volūdai leidzvierteigs – statuss. Lykumā tei ir nūsaukta kai "viesturisks latvišu volūdys paveids".

Deļ tam LgSC skaita, ka latgališu rokstu volūdai myusu vaļsti ir juodūd leidzvierteigys ispiejis, sajēmuūt vaļsts finansialū atbolstu tuos saglobuošanai, aizsarguošanai i atteisteibai, tai pat kai tys niu teik nūdrūšynuots latvišu volūdai.

Pylnu viestulis tekstu losit šķārsteiklā: LaKuGa.LV